

稷山縣志卷之五

知縣臨汝張應辰纂修

人物志

天地之生人爲貴古今攸係品最先節宜凜於在三倫必敦乎惟五所以型方訓俗而使掖世維風也邑自歷代相傳抱經濟而蹟顯廟廊竭忠忱而名高史冊理學文章仁廉孝友讀其書未嘗不想見其人遐哉盛矣而且弓旌所賁頻下高賢巾幗之芳迥傳異烈苟非山川孕秀振古如茲何以姓

稷山縣志

卷之五

人物

一

字標香至今不絕耶

山川明秀必鍾而爲偉人俊士以光邦家考諸今昔生斯土者雖顯晦不同要之進而匡時退而修行咸足以表俗而範後也所謂地傑人靈信哉

劉志

洺渚尺水可隱蛟龍十室編邑必有忠信英傑之生寧以地限乎稷僻邑也粵自上古羲和以歷象授時后稷以稼穡利民此固光垂天壤者嗣後或以謀畧顯或以義烈著或以猷爲經濟傳二三偉人母論近世罕其匹卽廣之青簡亦不概見其餘

名賢瑰士頗稱接踵史偏洵乎英傑非可以地限也志之以俟後之觀感而奮興者

顧志

唐虞

后稷名棄帝嚳妃姜源出祀郊禘見巨人跡而履其拇遂身動如孕如期而生子以爲不祥棄之多異徵遂收養之因名曰棄兒時以種麻菽戲成人好耕稼發菑糞土別五土之宜始爲耒田民皆則之堯舉爲農師虞時帝述其功以勸之曰棄黎民阻饑汝后稷播時百穀復佐禹有功受封於

稷山縣志

卷之五

人物

二

邵號后稷是爲田祖自商以來祀之其後至周武王有天下今縣南五十里稷神山有后稷陵立廟山頂明初以歲之四月十七日遣官致祭後命有司代之

羲仲羲叔和仲和叔胥帝堯臣重黎之後命以欽若昊天歷象日月星辰敬授人時羲仲居嵎夷理東作以殷仲春羲叔居南交理南訛以正仲夏和仲居昧谷理西成以殷仲秋和叔居朔方理朔易以正仲冬今縣東北十五里有羲和塚四塚前立廟

明初以歲之三月十五日遣官致祭後命有司代之

北周

楊擗字顯進祖貴父猛並爲縣令擗少豪俠有志氣魏孝昌中大司馬城陽王元徽逃難投擗藏而免之孝莊立徽復爲司馬擗以義烈聞擢拜伏波將軍給事中元顥入洛孝莊北度太行及余朱榮奉帝南討至馬渚擗具舡濟王師顥平封肥如縣伯加鎮遠將軍步兵校尉行濟北郡事進都督平東

稷山縣志

卷之五

人物

三

將軍大中大夫從孝武入關進侯爵加撫軍將軍銀青光祿大夫周文遣擗間行詣鄴覘察使還稱旨授通直散騎常侍車騎將軍稽胡恃險不賓命擗慰撫能得邊情誘化酋渠多來款附從攻宏農拔之微行詣邵郡與土豪王覆憐等密相應會內外俱發拔郡禽守程保及縣令等以功授大行臺左丞更爲經畧旬月之間攻拔正平河北南汾二絳建州大寧等諸城以擗行正平郡事左丞如故齊神武敗於沙苑擗分兵邀截殺傷甚衆東雍州

刺史司馬恭懼搆威聲棄城遁走搆遂移據東雍州表行建州事搆威恩夙著所經之處多贏糧附之再擊破東魏軍大獲甲仗東魏遣太保尉景攻陷正平復遣行臺薛修義與斛律俱相會敵衆漸盛搆孤軍無援謀欲拔還僞爲周文書云已遣軍四道赴援因令人漏泄使所在知之於夜拔走敵不敢迫朝廷嘉其權以全軍授建州刺史時東魏以正平爲東雍州遣薛榮祖鎮之乃先遣奇兵急攻汾橋榮祖盡出城中戰士拒守搆從他道濟襲

稷山縣志

卷之五

人物

四

尅之進驃騎將軍轉正平郡守又擊破東魏南絳郡錄前後功封邵陽縣伯芒山之戰東魏將侯景率騎追搆搆與儀同常法保同心抗禦且戰且前景乃引退復授建州刺史鎮車箱搆久從軍役未及葬父表請遷葬詔贈其父車騎大將軍儀同三司晉州刺史贈其母夏陽縣君並給儀衛州里榮之齊神武圍玉壁別令侯景趣齊子嶺搆率騎迎禦景聞搆至斫木斷路者六十餘里猶驚而不安遂退還河陽其見憚如此十二年授大都督加晉

建二州諸軍事進儀同三司尋加開府復鎮邵郡
十六年改封華陽縣侯保定四年遷少師大軍圍
洛陽詔擿出軹闕擿鎮東境二十餘年數與齊人
戰常克獲遂有輕敵之心深入敵境又不設備軍
敗就虜朝廷猶錄其功不以爲罪令其子襲爵

隋

裴脊字歸厚魏冀州刺史叔業五世孫始自聞喜徙
稷山大業中爲淮安司戶叅軍蒞政仁愛賊楊琳
等作亂不忍加害護送還鄉

稷山縣志

卷之五

人物

五

唐

裴守貞後魏冀州刺史叔業六世孫脊子少孤母喪
哀毀舉進士六科連中累調乾封尉永淳初旱悉
廩祿奉姊及諸甥與妻息惡食不贍也授太常博
士善容典時謂才稱其官高宗將封嵩山詔諸儒
議射牲事守貞奏據封禪禮祀日未明十五刻宰
人以鑿刀割牲質明行事天皇惟奠玉獻酌而已
今若祀前一日射牲則早於事及日則晚不建事
恐不可行時破軍慶善二樂舞入上常立以視須

樂闋乃坐守貞言二舞義均韶夏用兼賓祭皆祖
宗盛德然詳覽傳記未有皇王立觀之禮况升中
大事華夷畢集九服仰垂拱之安百蠻懷率舞之
慶甄陶化育莫匪神化豈于樂舞別申嚴敬詔可
議乾陵禮討按故事稱情爲文咸適所宜時人服
其得禮天授中爲司府丞覈獄多裁恕全免數十
姓拂武后旨出爲汴州司馬累遷成州刺史政不
務威嚴吏民兩懷之徙寧州送者千數出境尚不
止長安中卒贈戶部尚書今祀鄉賢子六人子餘

稷山縣志

卷之五

人物

六

耀卿見本傳巨卿衛尉少卿幼卿洛陽令僑卿起
居郎春卿太子中允巨卿子沐河南府叅軍濠臨
安令樞司勳郎幼卿子士安太府丞僑卿子叔猷
均州刺史伯言戶部員外郎春卿子淑倉曹叅軍
挺內直丞

裴子餘守貞長子事繼母孝中明經補鄆尉同舍李
朝隱程行誼以文法稱而子餘以儒顯長史陳崇
業曰蘭菊異芬胡有廢者景龍中爲左臺監察御
史司農卿趙履溫奏籍番戶爲奴婢子餘曰官戶

以恩原爲蕃戶且今又子孫可抑爲賤乎履溫倚
宗楚客子餘執對不撓遂誦其議開元初累遷冀
州刺史爲政惠裕人稱有恩入爲岐王府長史卒
諡曰孝時程行謚貞中書令張說歎曰二諡可
無愧矣今祀鄉賢子泳奉禮郎次穎清道率府兵
曹參軍

裴耀卿字煥之守貞次子數歲能屬文擢童子舉稍
遷秘書省正字相王府典籤更直脩顧問府中號
學直王卽位授國子主簿累遷長安令舊有配戶

稷山縣志

卷之五

人物

七

和市法耀卿責豪門坐賈預給以直絕僦欺之弊
及去人思之爲濟州刺史濟地廣而戶寡會東巡
置三梁十驛科歛均省爲東州知頓最上次宋州
宴從官歡甚謂張說曰濟州刺史裴耀卿上書數
百言至曰人或重擾卽不足以告成朕置書座右
以自戒此其愛人也俄徙宣州前此大水河防壞
躬護作役未訖詔徙官懼功不成不卽宣而撫巡
飭厲愈急隄成發詔去濟人爲立碑頌德歷冀州
入拜戶部侍郎開元二十一年副信安王禕討契丹

又持帛二十萬賜立功奚官耀卿曰幣涉寇境不
可以不備令先與期而分道賜之一日畢突厥室
韋果邀險來襲耀卿已還遷京兆尹明年秋雨害
稼上將幸東都召問所以救人者耀卿曰陛下既
東巡百事畢從則太倉三輔可遣重臣分道賑給
自東都益廣漕運以實關輔謂既實則乘輿西
還事蔑不濟且國家大本在京師但秦地狹水旱
易匱往貞觀永徽時祿廩者少歲漕粟二十萬畧
足今用度寢廣運數倍且不支故數東幸以就厥

稷山縣志

卷之五

人物

八

粟爲國大計臣願廣陝運道使京師常有三年食
雖水旱不足憂今天下輸丁約四百萬使丁出百
錢爲陝洛運費又益半爲管窖用分納司農河南
陝州又令租粟悉輸東都從都至陝河益湍沮若
廣漕路變陸爲水所支尚贏萬計且河南租船候
水始進吳工不便河漕處處停畱易生隱盜請置
倉河口以納東租然後官自雇載分入河洛度三
門東西各築厥倉自東至者東倉受之三门峡險
則傍河鑿山以開車道運十數里西倉受之度宜

徐運抵太原倉趨河入渭更無留阻可減費鉅萬
上然其計拜黃門侍郎同中書門下平章事充轉
運使乃置河陰集津三門倉引天下租由津盟沂
河而西三年積七百萬石省運費三十萬緡或請
以緡錢納於上答曰是謂以國財求寵其可乎敕
吏爲和市費遷侍中二十四年以尚書左丞相罷
封趙城侯夷州刺史楊濬以贓杖六十流古州上
言刺史縣令異諸吏爲人父母風化所瞻今使裸
躬受笞事太逼辱恐非崇守長勸風俗意又雜犯

稷山縣志

卷之五

人物

九

死罪本無杖刑奏報三覆然後行決今非時不覆
決杖便發儻獄或未盡又暑熱不耐因杖或死將
欲生之却夭其命恐非聖心寬厚之意請今貸死
決杖會盛夏時並停則有再生之恩時特進蓋嘉
運破突騎施還詔爲河西隴右節度使嘉運以新
立功日酣遨未赴屯耀卿言嘉運精勁勇烈誠有
餘然臣見其誇言驕色竊憂之恐不足以立事苟
不易帥宜嚴詔申約以督其行乃促嘉運詣部卒
無功還天寶初進尚書左僕射俄改右僕射而李

林甫代之上曰耀卿常服以贊者主事導唱林甫
默然慚居一歲卒年六十三贈太子太傅諡曰文
獻今祀鄉賢子遂太子司儀郎泛梁州都督法秘
書監綜吏部郎中臯給事中綜子佶見本傳琬侍
御史武太府卿臯子堪江南觀察使

高秀巖開元中從擊吐蕃以功授萬福府別將賜緋
魚袋仍留衛京都累遷戶部尚書兼河東節度使
安史之亂肅宗在靈武秀岩星奔行在獻謀刻日
期復兩都帝善之隨郭子儀李嗣業舉兵預有勞

稷山縣志

卷之五 人物

十

績疾亟遺訓諸子曰潔已者事君之本精誠者神
明之祐毋近儉人毋遠耆德子八人頌皇震皇霽
皇霞皇霖皇雪皇霧皇霈皇皆顯達於時

裴行立守貞曾孫重然諾舉動有法母亡泣血幾毀
以軍勞累授沁州刺史遷衛尉少卿口陳願治民
除河東令寬猛時當由蘄州刺史遷安南經畧史
環王國叛人李樂山來乞兵不受命部將杜英策
討斬之歸其帑蠻人悅服英策及范廷芝皆谿洞
豪也行立陰把其罪貸之許自效故能得英策死

力廷芝嘗休沐久不還行立約曰異時復然爾且死後踰期笞殺之於是威聲風行徙桂管觀察使黃家洞賊叛討平之俄爲安南都護召還道卒年四十七贈右散騎常侍

梁慎字寶根其先安定人因官晉遂家焉天性至孝授曲周主簿色養備至親沒肖像奉之出入必告結廬墓側有白鳩翔集塚樹刺史孟說飭所司旌其門第九思以孝弟徵尙嵐州錄事叅軍並有時名

稷山縣志

卷之五

人物

十一

高霖皇秀岩子以孝友方正聞於時先任開府儀同三司檢校國子祭酒兼御史大夫充成德軍節度使兼都虞候經畧副使後丁父憂竭產盡心徒跣扱衽扶柩自幽陵歸塋廉城

裴佶字宏正綜子幼能文第進士補校書郎判等高授藍田尉詔城奉天嚴郢爲京兆政刻急本曹尉韋重規妻乳佶請代役要如程時稱其義上幸梁信奔見行在授補闕建議討李懷光上深器之盧杞起饒州刺史與諫官執不可歷遷諫議大夫獠

逐黔中觀察使韋士文詔佶代之部夷安服歷同
州刺史中書舍人遷尚書右丞時李巽以兵部尚
書領鹽鐵將遷使局就本曹經構已半佶至以爲
不可巽乃撤之時重其有守改吏部侍郎爲國子
祭酒工部尚書卒贈吏部尚書諡曰貞佶清勁明
銳所友皆第一流尤善鄭餘慶旣歿餘慶爲行服
士林美之子泰章給事中

宋

裴濟字仲溥耀卿八世孫少事晉邸同事有不法者

稷山縣志

卷之五 人物

十二

濟屢糾其過失被譖出補太康鎮將未幾譖濟者
坐法太宗知濟可任會卽位補殿直爲天威軍兵
馬監押及平太原征幽薊濟迎謁陪扈令監軍易
州契丹攻城不能下以勞遷西頭供奉官太平興
國末江表盜起命爲巡檢遷崇儀副使召還遷崇
儀使監戍兵於威虜軍途次鎮州夜有賊騎扣城
門大呼曰官軍至矣州將然之促守吏闕關濟遽
止之曰此必妄也及旦果有敵兵遯去太宗嘉之
遷西上閣門使定州都監就加行營鈐轄尋知定

州契丹三萬騎來攻濟逆擊於徐河斬數千級獲牛馬鎧仗甚衆淳化初判四方館未幾爲鎮州行營鈐轄又擊賊於唐河濟短兵陷陣賊大敗走優詔褒美改四方館使復知定州徙天雄軍鈐轄遷客省使復知定州至道二年改內客省使知鎮州立春日出土牛以祭酌奠始畢有卒挾牛去濟察其舉止知欲爲變亟命擒之果有竊發者數十人已劫鄜間矣悉蒐捕腰斬之軍民肅然濟在鎮定凡十五年威績甚著名還知天雄軍咸平初李繼

稷山縣志

卷之五 人物

十三

遷叛以濟領順州團練使知靈州兼都部署至州二年謀輯八鎮興屯田之利民甚賴之其年清遠軍陷夏人大集斷饜道孤軍絕援濟刺指血染奏求救甚急兵不至城陷死之上聞嗟悼特贈鎮江軍節度使三子並優進秩濟在諸使中甚有聲望及沒夏人皆惜之景德中濟妻永泰郡君景氏卒特詔追封平陽郡夫人諸子給奉終喪子德裕虞部郎中德基至如京使德豐殿中丞濟兄麗澤弟麗正並進士及第麗澤至右補闕麗正至金部員

外郎麗正子德輿爲殿中丞

裴德裕濟子以錄蔭自助教拜太子右贊善大夫累官少府監勲上柱國爵開國侯以老分司西京爲吏廉清不擾歷知蓬絳解號澤沂六州事皆有能聲

段應規官至司理叅軍門族蕃大連薨接開相望屹然邑人號爲司理庄四世孫季亨季良良子矩俱有隱德

金

穆山縣志

卷之五 人物

十四

李愈字景韓業儒術登正隆五年詞賦進士調河南澠池主簿察廉優等爲平陽監酒副使遷冀氏令至解州刺史章宗卽位名授同知中都路都轉運使改同知濟南府明昌二年授曹王傅兼同知定武軍節度使從王賜宴北部還言諸部所貢馬止可委招討司受於界上量給廻賜務省費以廣邊儲擬自臨潢至西夏沿邊創設重鎮十數仍選猛安謀克勲臣子孫有材力者使居其職田給於軍者許募漢人佃種不必遠輓牛頭粟而兵自富強

矣上覽其奏謂愈一書生用心之忠如是下尚書省議愈尋遷同知西京留守復表乞斷自宸衷上納用焉自是命五年一宴賜人以爲便改棣州防禦使未幾授大興府治中北京提刑范楫知歸德府鄧儼各舉自代擢爲河南路提刑使上言本司見置許州乞移治南江畱官一員餘分部巡按從之時九路提刑以愈爲最五年入覲平章守貞謂愈見職甚幹上曰愈敢爲所論河決事宜遣大臣護視以慰人心其言良是尋改河平軍節度使承

稷山縣志

卷之五

人物

十五

安二年徙順義軍奏屯田利害上遣使宣諭仍降金牌俾領其事四年刑部尚書闕議用愈或言愈病上曰愈比陳言有退地千里而爭言其功之語卿等定惡愈多言耶特名用之愈奏故事陳言者洩漏並行科罪仍給告人賞此蓋所以防閑小人比年詔求直言命朝臣轉對外路官皆許言事此皆樂聞忠讜之意請除去舊條以廣言路上嘉納焉尋爲賀宋正旦副使泰和二年春將幸長樂川愈切諫曰方今戍卒貧弱百姓騷然三汭尤近界

陞兼聞泰和宮在兩山間地形狹隘雨潦適集固
不若北宮池臺之勝優游閒適也不從夏四月復
言一旦不警臣恐丞相襄樞密副使闍母等皆不
足恃况皇嗣未立羣心無定豈可遠事逸游哉上
異其言復授河平軍節度使改知河中府事致仕
泰和六年卒年七十二諡清獻著狂愚集二十卷
陳規字正叔博學能文明昌五年詞賦進士貞祐初
爲監察御史三年上言叅政侯摯初以都西立功
獲不次之用遂自請鎮撫河北陛下欲責其報效

稷山縣志

卷之五

人物

十六

遽授以執政顧乃盤桓西山不能進退及名還闕
自當辭退乃恬然安居目視今疆土日蹙將帥乏
人士不選練守令貪殘盜賊滋起災變不息不能
日夜講求啟告陛下徒日閱按倉庫規畫權酷豈
大臣所宜親願量其才分別加任使無令負天下
之謗不報又言警巡使馮祥進由刀筆無他才能
第以慘刻督責爲事由是升職恐長殘虐之風乞
黜退以勵餘者詔罷祥職且諭規曰卿敢言如此
朕甚嘉之時汾河悉禁米斛河北艱食四年規上

言昔秦晉爲讐一遇年饑則互輸之粟今聖主在上一視同仁豈可以一家之民自限南北坐視困餒而不救哉况軍民効死禦敵若復乏食何以自啣人心一搖爲害不細請於太陽孟津等渡閱視過河物每石官收毋得過半庶幾利厚息者輻輳而往公私稍足宰執議竢元兵還行之規請三月巡按至徐州言節度副史紇石烈鶴壽往討紅襖賊大掠良民乞敕有司放免餘路但有掠國人爲驅者一體施行庶幾河朔有所係望詔從之又奏

稷山縣志

卷之五

人物

十七

河北瀕河州縣距一舍爲一寨籍居民爲兵數寨置一總領率皆閑官無賴徵逐取給日以爲常敵至伏匿不出敵去騷擾如初朝廷重柄豈可輕假小人宜皆罷去第委宣撫司從宜措畫足矣制可七月復條陳八事曰責大臣以身任安危任臺諫以廣耳目崇節儉以答天意選守令以結民心博謀羣臣以定大計愛重官賞以勸有功選將帥以明軍法練士卒以奮兵威而論責大臣曰宰相大臣社稷生靈繫以安危乃每朝奏議不過目前數

條特以碎末互生異同俱非救時之急况近詔軍
旅專委樞府尚書省坐視利害泛然不問是親其
細而不圖其大也伏願大計密謀省院同議可否
則爲大臣者有所責矣上付省詰問宰執惡其紛
更謂言多不當上初無意加罪祇命御史臺論之
尋出爲徐州帥府經歷哀宗立名爲右司諫權吏
部郎中正大元年議脩復河中府規與完顏素蘭
楊雲翼言河中今爲無人之境陝西民力又困雖
修亦不能守不若令見屯軍士量力補治待其可

稷山縣志

卷之五

人物

六

守營修未晚從之尋坐尚書趙伯成爲王京所訟
規亦解職十一月改克補闕又言將相非才且薦
數人可用者二年奏五事一尚書省兼理樞密院
如太定明昌故事二簡留親衛軍三沙汰冗軍減
行樞密院帥府四選大臣爲宣撫使招集流亡五
選官置所議一切省減畧施行之四月大旱詔規
審理冤滯規奏雨水不時則責審理其職燮理者
當何如且河南一路便宜行院帥府從宜凡二十
陝西行尚書省二帥府五皆得以便宜殺人冤獄

在此不在州縣上善之而不能有爲也十一月上
面諭宋人事規進曰帝王兵貴萬全昔光武所征
必克猶言每一出兵頭鬚爲白也又諭和蒙古無
益規獨進曰陝西兵將冗懦恐不可用烏古論四
和曰陳規言非是監察御史完顏習顯和之規對
曰和非上策又不可必成然事勢不得不然使彼
難從猶可激厲將士以待其變事竟不行十月與
右拾遺李大節劾同判大睦親事撤合輦詣佞招
權納賄出撤合輦爲中京留守朝廷快之五年二

稷山縣志

卷之五

人物

十九

月又與大節言將帥出兵每爲近臣牽制不得專
輒至送宣傳旨公受賂遺而臣僚多罪同罰異上
納之規言事不少假借凡官中舉事必恐其有言
嘗召文繡署令王壽孫作大紅半身繡衣及進御
名問規知否若知必以華飾諫我我實畏其言而
一時近臣竊議亦曰畏陳正叔後出爲中京副留
守未赴卒士論惜之規剛毅質實篤學至老不廢
詩有律度渾源劉從益見其所上八事歎曰宰相
材也每與人論時事輒憤惋南渡後諫官稱許古

陳規而規不以訐直自居尤見重云死之日家無
一金知友爲塋之今祀鄉賢子良臣

段鈞字平仲矩子以文行著聞其弟鐸師事之同遊
塲屋有聲都人稱爲河東二段名其居曰雙桂里
早喪

段整由賓貢升太學其叔季良恒給其費令篤學整
卒能成業爲時聞人後以文藝擢太平縣尹

段鐸字文仲矩子少孤以孝謹聞有大志與兄鈞同
登詞賦進士調長安簿陞兵部主事審決河北路

稷山縣志

卷之五

人物

二十

刑獄授曹州刺史華州防禦使草疏求退躡進兩
階加護軍武威郡開國侯以疾卒於家

段汝舟鐸姪以叔廕當補固讓於弟汝翼士論韙之
段恒字元貞鈞孫素以德誼材學聞應詞賦進士舉
屢中至御試輒有蹉跌金南渡之歲詔曾三赴廷
試不中選年五十者賜同進士及第人多冒濫求
進公獨曰吾實四十有九將求入仕欺君可乎終
不陳

宗經領解元舉進士所著有雲巖文集

段克巳字復之恒子與弟成巳並以才名禮部尚書
趙秉文目曰二妙大書雙飛二字名其里金末舉
進士北渡後與成巳辟地龍門山二十年而卒人
稱遜庵先生孫輔吏部尚書刻二妙集於家塾吳
澄序河東二段先生心廣而識超氣盛而才雄其
詩蓋陶杜兼而有之者也今祀鄉賢

段成巳字誠之號菊軒天性孝友四歲知力學正大
七年與兄克巳同登進士授宜陽簿元世祖降璽
書卽其家起爲平陽儒學提舉不赴天下高其雅

稷山縣志

卷之五

人物

二十一

德祭酒周文懿公稱其文在班馬之間得聖賢正
學所著有菊軒集祀鄉賢

郝衡字粹中舉進士隱居教授以德行稱

元

姚天福字君祥唐相崇裔孫伯祿任絳州觀察判官
卒葬稷山南陽里遂世爲稷山人父居實避兵徙
鴈門天福幼讀春秋通大義辟懷仁丞至元五年
始立御史臺以天福爲架閣管勾尋拜監察御史
條奏宰相阿合馬罪二十有四召廷辨天福枚數

之至於三氣沮色喪上曰此三者罪已在不宥因
目天福曰巴兒思臣下有違太祖之制干朕之紀
者汝抨擊之毋隱廷臣皆震悚巴兒思者謂不畏
強悍猶虎也帝乃加厚賜天福曰言臣分也受賞
非分也卒不受時御史臺置二大夫天福曰古稱
一蛇九尾首動尾隨一蛇二頭不能寸進今臺綱
不張有一蛇二頭之患陛下不急拯之久則紊不
可理大夫李羅遂以年少引退按行畿輔時監敢
普者得罪御史按之不服天福廉得其死罪十有

稷山縣志

卷之五

人物

十一

七俄以宥免經臺門大詬急捕之檢行囊得賄侍
御史安元失納赦免狀明日陞奏上曰彼七死猶
赦汝欲何爲天福對罪十有七條赦七留十餘誰
歸上悟戮敢普而斥安十二年罷按察司天福曰
是司之設所以廣視聽虞非常慮至深遠不但繩
有司已也大夫王昔帖木兒駭曰微公言幾失之
夜入帝卧內奏其言帝大悟詔復立阿合馬益不
悅左遷衡州路同知不就後歷河東淮西湖北諸
道按察使善辨疑獄大德四年拜叅知政事大都

路總管兼大興府尹六年卒年七十三

段思誠字仲明號芹溪克己子詩文健雅國史院承旨閣文公訪河東文獻與從弟思義並薦於朝授河東儒學教授不就

段思溫字叔恭號聞過少孤從仲父成已學遂成名儒貫通經史尤邃易春秋詩文純正安西王辟爲記室叅軍不赴廉靜寡欲授業鄉里多所成就積書萬卷以貽子孫卒之日遠近赴弔市爲之罷

段思義字秀方號西溪成己子受學於父承旨閣文公與思誠並薦於朝授平陽路儒學教授不就往來韓城愛其風土因徙居焉以經史授徒不倦

稷山縣志

卷之五

人物

三三

段輔字惟德號裕齋思溫子辟中臺掾累官御史改奎章學士與虞集馬祖常等並兼經榜官尋遷吏部尚書授湖廣等處叅知政事除陝西諸道行臺侍御史

孫郁字仲文同知江州事博學好古於宦情澹如也張鳴鶴方正篤學登進士第授晉寧路縣尹蒞政嚴明吏畏民懷終工部司丞

姚庸博通經史由鄉科授懷州學正遷晉寧路教授
段承祚字希元幼業太學謙和好禮動止有則任國
子學正以母老歸養屢微不起嘗有隣婦失金環
疑取火承祚家時失之不辨而償妻有難色承祚
曰恐逼人命耳後歸得遺環於漿甕中人服其德
量稱爲德門先生祀鄉賢

明

段密字仲岡號衡齋克己五世孫性行端確尤善詩
文洪武中任本學訓導陞秦州典寶所著有衡齋

稷山縣志

卷之五 人物

二十四

集

張犴洪武乙丑進士歷香河館陶教諭陞林縣知縣
激勵士風使之感化治民嚴平政聲藉甚

田深字本源洪武甲子舉人拜福建道監察御史風
裁凜然廉譽丕著出爲長葛知縣不專威嚴以惠
德化民考績改知保定縣葛民赴闕奏留復任九
載陞許州知州惠愛廉平人歌來暮焉

李謙建文庚辰進士任開城知縣潔已惠民以廉能
著子磐宣德丁未進士任陝西道監察御史巡按

遼東彈劾不避權要風裁凜然孫璽中成化鄉試
任直隸平谷縣學訓導累官武昌府通判廉明公
正吏民畏懷卒於官百姓立祠祀之

曹璧洪武間貢生清介有守初任洛川主簿遷固城
知縣調嘉定秩滿將遷數千人走闕下祈復任留
嘉定者又九年

鄭登永樂初任南京兵馬司奉命督匠陝西改豐潤
知縣九載考績士民保留竟引年致仕

王勣字宗錫天順中舉人任華陰教諭陞鳳翔教授
稷山縣志

卷之五 人物

宏治初遷國子博士陞廣平判公廉愛民尋以老
引歸尤精數學

甯瑛字廷玉正統壬戌進士授禮部主事尋擢湖廣
布政司叅議陞叅政時荆襄盜發上命將勦之瑛
督餉不乏既平賜衣二襲祀鄉賢

王衡字宗銓號松軒資性絕人弱冠登天順甲申進
士授淳安知縣屏豪強裁冗費拜浙江道監察御
史多所建白出按遼東陳邊務時宜清理畿甸軍
政又陳革弊八事時宜六事出爲松江知府奏華

亭上海災秋糧准納銀布又以舊糧運至瓜淮每致虧折奏請就支本倉又劾平江伯不戢軍士有旨約束二運皆停至今賴之又以織造至者多所需索持法裁之中貴斂跡居官七年清介如一日以內艱去官起補廣平知府引滏陽河灌田題曰利民閘時以農民輸粟予官上疏痛言其弊事隨止陞浙江叅政轉陝西左布政使減鹽值通商賈邊需以裕奏發帑銀五萬補西安等郡逋負剛直忤時致政歸居第隘陋有司請葺治不許守真履

穆山縣志

卷之五 人物

三六

素不以勢利自多卒年僅五十有四祀鄉賢

吳忠成化乙酉舉人安化知縣政務清簡民樂不擾
王珙博學能文以舉人任兗州訓導陞孔顏孟三氏
學教授改真定府學教授典應天湖廣文衡陞崇
府長史

史瑛字廷珍讀書得體要爲諸生卽以薛文清自期
待雋成化戊戌進士知棗強縣革奸弊靖盜賊墾
荒賑饑一時復業者百二十戶五百三十二口捐
俸資藥餌完婚喪者一千五百餘人擢監察御史

清理長淮鹽課按蘇松首劾周駙馬兄貪橫寘於法入掌河南道再按徽寧以剛直忤劉瑾調河南副使徑拂衣歸不赴著就正一得諸稿所言皆主敬窮理之學祀鄉賢

梁溥字宏濟宏治己酉舉人陝西延川教諭博學洽聞見義勇爲時延安守安陽崔公陞重其才令署郡學遣其子銑受業焉丁外艱歸諸生哭別皆失聲服闋陞南京國子監學正三載考績陞慶府長史屢乞歸養王懇留之丁內艱後安化叛逆瑾矯稷山縣志

卷之五

人物

二十七

旨罰贖米四百石人謂以半賂瑾則免溥竟輸米服闋補秦府長史宏治間纂修邑乘

張滋字天潤孝宗御定也號勉齋幼爲牧兒嘗袖卷展讀及貢大學有司以米二百石爲贖盡却之授遼東都司經歷剗剔宿弊不避權要陞靜寧知州適饑饉緩輯賑恤民賴安集遠近稱爲神君世宗卽位進階朝列大夫引年致仕壽八十七

王价字君藩勅子正德間貢士任鳳翔推官廉明果斷獄無冤滯岐郿二邑土貧俗惡官者難之价署

篆以德感化有異政河州民夷雜居茶馬滋弊當道者檄公往勘積弊悉清人服其才

吳績監生正德中任醴泉主簿寬恕勤敏民心愛慕姚鏗字鎮遠嘉靖初貢廉靜寡欲篤學力行任饒陽知縣單騎赴任居御無異寒士教民忠孝守法徧植桑棗民利賴之以剛直忤權貴左遷寧夏衛經歷操守愈堅致政歸閉門讀書不入城市

梁格字君正長史溥子性儉約嘉靖乙未進士授濟陽知縣濟陽故煩劇地俗健訟格至別淑慝審情

稷山縣志

卷之五 人物

三六

偽懲治一二梗令者如法俗爲一變其他罷無名之稅戢闔寺之橫凡有關民利害者毅然無所顧憚一時復業者數百戶嘗奉檄勘禹城疑獄徑釋之其人持百金來謝亟麾去清苦之操數年如日嘗作雪糧吟以見志擢南京兵科給事中行至平陽得母訃擗踊泣血遂邁疾踰年卒所著窺易集四書古義補定齋存稿藏於家

加傳字習夫嘉靖己酉舉人任曲周知縣卹里甲革堯收犒河夫禁賭博生平無一事請託於人當官

亦無一事受人之託居喪哀痛卒年僅四十四人咸惜之

任佐字良甫號汾野正德丙子舉人溫厚純篤署洛南教諭飭學敦行士習丕變陞國子學正丁艱制終北上道由晉陽赴都憲張瀚處呈減本縣代納文水等縣均徭二千餘兩復補太學會駕臨幸賜衣一襲尋晉南京戶部主事監江陰倉糧督鈔淮安皆革其弊晉員外郎督察倉場又晉鎮遠知府飭兵輯民武衛肅然尋陞貴州按察司副使值討

稷山縣志

卷之五 人物

二十九

苗人亂內外籌計居多晉遼東苑馬寺卿所著有四書辯異書窻翼言汾野詩集祀鄉賢

梁紀字理夫號晴石淹貫經史領鄉荐以母老不仕後以母命勉上公車夢母疾遄歸觀風使表其門曰孝子嘗買姚村膏田若干畝委之以益民居民爲立祠所著樗櫟子等書十四種共若干卷門人私謚曰靖孝先生祀鄉賢

梁綱字立夫號承齋給事格仲子孝廉紀弟也嘉靖壬子解元壬戌進士授戶部主事筦天津易州倉

督密雲餉搜括頻年乾沒及羨餘三千餘金悉以
上聞遷河南副使條上利病數十事大吏嘉之命
通省共爲遵守遷湖廣叅政請歸與兄紀侍母其
旨不復出綱喜臨池大小書法俱精工旣歸築知
止軒讀書其中前後荐章二十餘上俱不赴所著
高粱生集計十三種共二百一十卷祀鄉賢

梁維字持夫號水岩格季子聰慧博洽天性孝友從
二兄受業典墳無所不讀尤工書法領嘉靖戊午
鄉荐齊名伯仲時擬三鳳云所著有三桂堂集六
稷山縣志

卷之五

人物

三十

子抄史編類抄若干卷藏於家

任憲字憲章苑馬卿佐子慷慨有氣節萬歷年以貢
授郟縣訓導未受事卽條上興學事宜廣號舍以
課業頒經書以訓士脩禮樂以救時立社學以養
蒙禁佛事以息邪廣辟舉以責效六款蒞任後白
秦生疑獄耻咎生兄弟閱於墻作詩自責未幾遷
山陰教諭修號舍二十四間集諸生講習其中再
遷大同教授筭丁生越控受責以爲惰教之戒又
祀忠臣周尚文郭琥二人旌孝子趙榮貴一人節

婦朱劉氏五人以爲世勸久之以慶府紀善歸里
家居嘗與夏縣馬鳳巢書言治河與大同何廷魁
書言治兵蓋雖退居不忘國恤云所著求心錄禮
注補遺兩齋範畧蒙求小補釋古繁言藝林正體
禮俗明微諸書兵燹後多散軼不全惟龍鍾草七
冊藏於家祀鄉賢

甯桂字攀之嘉靖辛酉舉人少孤既領鄉荐家徒四
壁居母憂徒跣三年不食菜果不扇不爐任陵縣
訓導教重倫行却一切饋遺陞國學晉工部司務

稷山縣志

卷之五

人物

三十一

戶部員外郎布袍脫粟躬親操作遷工部郎中卒
于邸舍無柵柎之資同舍郎賻金歸櫬

王時濟字道甫萬歷間進士雄才碩學名重一時性
尤孝友田產擇其善者讓兄建汾橋以成父志督
餉西秦士伍頌德權稅清源額外多解銀四千有
奇以勞遷衛輝知府會潞邸新造官此者輒狼跋
見踰時濟獨雍容坐理多所規正所著有龍塢集
若干卷行於世

姚綬字公綬號松溪少以文學補弟子員工詩賦安

貧樂道不妄交遊卜築紫金山麓鑿池注水灌田
自給知縣孫倌爲構室三楹題曰高士幽居所著
有金山樵隱若干卷

裴賜字公綬號紹野耀卿裔孫隆慶辛未進士授兵
部主事鎮山海關轉車駕會上謁陵從大司馬扈
蹕欲輦金共事尚書不可輒輦金以行抵昌平上
命犒師計數千金賜猝辦人驚異之遷職方有大
璫餽金于以私怒斥去庚辰例當典春闈江陵爲
其子預授以意不應遂易他曹尋出治兵井陘諷

稷山縣志

卷之五

人物

三十一

言官中以他事謫華州知州不赴歸祀鄉賢

趙國相嘉靖甲子舉人署邵陽教諭陞宜川知縣臨
洮通判愿慤溫醇嚴明慈惠所在俱有政績

宋世科貢生歷蘭州訓導深澤教諭榮府教授溫雅
純誠與物無競所至俱沛教澤

高應聘字志尹號玉田隆慶辛未進士吳縣知縣釐
弊革奸不避權貴邑瀕太湖濟渡處多劫寇應聘
更番設戍行者便之吳民題曰高公渡范文正公
義田爲豪右占幾盡應聘置於法遂按籍而還爲

讐者所中謝政歸講藝課文賑饑濟貧閭里咸推重之

梁蕙字若生號存石紀子廩監遙授西安府通判博學工詩書法揮洒入神嘗開義倉以賑饑民給乳媪以活棄嬰著六種吟行世

梁一道溥元孫萬歷辛卯舉人任藍田縣嘗聽訟有應受笞者其子願以身代遂免更獎勵焉百姓感動皆知孝毀淫祠崇正誼聞有讀書聲輒躬詣其所獎勵再四一時學校大興當道屢列荐剡後以

稷山縣志

卷之五 人物

三十一

疾卒民立祠祀之

鄭命字爲命嘉靖辛酉舉人任宜君知縣申減夫價五百餘金罷土官帶兵徵索之擾禁僚佐私交豪右之弊請賑救荒邑人德之謝政歸囊惟圖書衣冠而已祀鄉賢

王鼎字元燮孝友性成與物無競足跡不履公庭士林重之任太湖丞有惠政子佩玉恩貢曾孫宗日列賢書人僉謂積德所致

高穎字去億號懷玉應聘子博學能文尤工書法以

恩貢任陝西雒南知縣時闖寇薄城卑騎就任捍禦有法一邑賴以安堵士民立祠祀之萬歷間纂修縣志

鄭寅字子夏號海暘命子萬歷癸卯舉人剛介峭直陝西長安學教諭遷大理評事擢刑部郎中剖斷精明時無冤獄陞山東按察司僉事督餉津門以前陝西司獄忤楊相至是罹禍

王詔貢生歷確山訓導單縣教諭密雲後衛藩府教授及歸囊無餘錢迹邱園終身不謁官府人服

稷山縣志

卷之五 人物

三十四

清操

曹世卿萬歷癸酉舉人歷昌黎上蔡知縣持身端謹廉介愛民離任後蔡民三赴闕懇留科道疏荐卒不出

馬驥貢士家貧好學高尚不仕授經後學多所成就甯獻禎萬歷壬子舉人端方簡素生平耻言干謁事以孝廉終人咸惜之

解啟衷泰昌元年恩貢任文登知縣興學勸農到官日卽諭民懇荒地數十頃至今利賴之

張養元字子長以舉人任華陰縣時流寇猖獗堅守禦賊衣不解帶者四十餘日民賴以安立課程校士文風丕振以疾致仕

梁珙性聰穎過人弱冠補弟子員鍵口誦讀載酒問字者踵相接雖終日談論無倦容知縣姚延啟題其門曰伯鸞高節年六十八跌宕而終著有辨惑

二論

趙怡字悅庭一鶴孫早負才名不求仕進隱居教授以主敬爲本手著主敬說藏於家

稷山縣志

卷之五

人物

三五

陳國賢好古篤學以聖賢爲期待從學安邑曹真子先生深器重之早卒曹哭之慟有喪予之悲

馬耿字介石爲學以忠孝爲本萬歷壬子舉人以母疾不仕母卒遵父命釋褐起家祁州知州歷景州會歲饑寇起平徭役省加派均馬政多方拯卹所至有惠聲以峭直罷歸明季陷於闖賊卒不屈甲申聞京師破望北泣拜不食死

吳繼武崇正十四年以武進士任陝西榆林都司忠勇有謀畧練兵足餉思爲國家當一面軍士感奮

恐後後二年闖賊入關中榆林邊塞重地多將家
子尤爲所虎視繼武與道臣都任鄉官尤世祿誓
竭力守掣賊使不得東渡賊并力攻榆七日城陷
繼武巷戰以死任與世祿亦俱戰歿

國朝

張鳴鵬恩貢任桐柏知縣廉正淳朴不任刑威而士
民戴之

王震亨字乾二順治乙未進士任江南宜興縣知縣
宜故巖邑遭明季兵燹災傷洊歲人民流徙亨設

稷山縣志

卷之五

人物

三六

法招徠墾土寬徭申蠲荒糧清隱漏破詭寄豪蠹
歛迹民困以蘇時張三朱打生揭竿稱亂率兵勦
滅居民安堵尤加意學校摘其怙惡者斥之士風
丕變城潢庫獄多所修輯而民不知役在任三載
廉斷愷摯士民悅服政績俱詳循卓彙言彙言者
士民歌頌德政之作也

甯輝性孝友嗜詩書由歲貢任老營堡訓導課士衡
文人材蔚起

張燦然字光裕歲貢爲人溫厚和平力學嗜古試輒

冠軍以數奇不遇終老明經

王佩玉字德卿歲貢正直端方視履不苟專以孝弟傳家孫宗且任韓城知縣能世其家聲

張鵬翥養元子歲貢幼聰穎博洽經史善事父母友愛庶弟學使者稱爲文行第一

何星煜字天章康熙壬戌進士任山東樂安知縣持已以儉撫衆以寬督修河堤捐建倉儲歲饑煮粥食貧全活甚夥行取兵科給事中未補卒於家

王震龍字霖九廩生中書舍人王之屏之子也好學稷山縣志

卷之五 人物

三七

工書著有綠筠軒詩集

張煜字晝初拔貢天性孝友恬雅溫醇遵父命終身不仕

張坦字紫居康熙丁卯舉人居家孝友學問優長而雅其淡泊與物無爭銓應州學正不赴設帳清涼院從遊多知名士生平以前賢不貪名利惟藏拙爲愛清閒只守貧之句自况田文端公高其品爲詩贈之著有四書詳說更小亭詩草

高瑄字楚石庠生事二親色養無間父歿廬墓數年

幼讀薛文清戒子書卽思自立後讀其曾祖應聘所纂河汾粹言曰此聖賢正傳也自是學益切實尤精於易著有周易朱註刪補汾崖集諸書

史宏坦字易齋康熙丁卯舉人任江南崇明知縣清正自持不畏豪強崇邑四面環海詳請設立米船通商便民建造書院勤於月課一時人文蔚起丁

丙艱歸士民思之纂甘棠遺跡一冊頌其德政焉

寧時文字漢章康熙壬辰進士任廣東吳川縣廉

惠有聲調繁澄海當閩粵之交兼控海口七虎

稷山縣志

卷之五 人物

三六

稱難治文甫抵任加意振刷嚴輯姦宄四境敕寧邑有奸僧惑衆前後斥逐數千人不避嫌怨魚鹽耕鑿之利凡便民者行之必力除煩苛革陋規謹化導葺書院蒞澄四載士民德之著有海疆政畧

藏雪齋詩集

高大任字簡在歲貢早歲失怙父病痿左右就養衣不解帶者三年父歿遇忌日泣奠盡哀倡建宗祠以明昭穆康熙丁丑土寇作亂脅之同行以死爭之衆知其不可奪尋引去生平嚴毅端亮邑中有

彥方之譽

張靖一字爾位康熙戊戌進士孝友醇篤狷介自守鄉里有爭者曉譬曲直衆皆伏服人或干以私輒嚴拒之跬步必謹言笑不苟以舌耕養親足跡不履城市人以是高其品

段勵翼字警龍乾隆己未進士任寧武教授性至孝在署日遇忌辰或佳節必南向肅叩嘗嘆曰爲五斗米奪我主前膽拜平日以激推士氣爲己責寧武關有明死事周公未與祀典申請於朝得歲支

稷山縣志

卷之五

人物

三九

祭金有諸生以羅織成獄廉其寃伸辨出之同官有不法者勸之不從直揭之歷署偏關神池兩學所至以嚴厲端直稱卒於官享年六十七

解承先庠生幼安詳恭謹不妄言笑事孀母孝待堂弟友治家勤儉訓子義方博涉羣書尤於小學近思錄尋味不釋所著有續先師廟祀儀求心錄語錄欲燬集等書

何星文字經臣庠生博涉經史才情靈敏以數奇不遇益肆力於古其爲詩清新秀婉自成一家士林

重之所著有巴人艸下里曲二集

任芳字蘭馨順治初徵爲河南汝州牧時城邑廢缺百姓彫殘公日居草萊中誠心撫綏民樂更生嗣以羣小作奸欲以汝隸旁郡遂挂冠歸汝人思之祀祿位于劉公祠立石以記

蘇騰字雲甫一字升菴號敬齋居邑之吳壁村康熙壬午舉人選平定州學正實心訓士無忝于職時士子緣事被斥者衆公備細詳請保全四十餘人立教先行後文平定文風之盛實自公啟之甲寅

稷山縣志

卷之五

人物

四十一

告歸設教鄉邑多成就者

張澍字汝霖號雨街學者稱爲雨街先生垣孫雍正已酉選拔賦性方嚴學問淵博少從孫宮保遊深器重任祁縣教諭訓士子以崇實黜華爲務祁士多不羈居喪好作佛事又有甫離苦塊卽理絲竹赴宴會者概行禁戒士習丕變某兄弟以爭產與訟數年不決諭以骨肉同氣之誼感泣去諸生暢某以命案牽連當事者擬置之法業已申詳公悉其無辜力爭之卒獲全景學憲高其誼爲書河汾

正氣贈之告歸後主講思文書院遠近尊之一時
獲雋名噪士林者多出其門卒年九十一著有四
書補要慶雲亭詩草昭餘錄讀史類抄辨訛暗室
燈等書

閻有光歲貢幼嗜性理諸書研究不輟初從萬泉張
魯川遊繼聞東雍李子潛得鄒冰壑之傳遂受業
焉學期實踐動止以古爲則前令蔡錢韋諸公雖
皆推崇禮接會不少干以私宜興儲六雅高其品
贈曰崇安學範

稷山縣志

卷之五

人物

四十一

張育梅字香圃教諭澍子庚子恩貢幼穎悟讀書涉
目成誦弱冠以麟經受知於錢北江之門雅甘淡
泊不樂仕進晚年講學於家塾會心園隣封從者
以數百計多所成就居恒孝友醇樸不染囂塵邑
大夫重其品徃徃先施之始一荅拜歿之日無遠
近賢愚咸爲惋惜門人私謚爲文貞先生